

四庫全書薈要

• 乾隆御覽本

史部

國語卷八

吳 韋昭 注

晉語二

反自稷桑處五年

自從也從伐東山戰于稷桑而驪姬反也處五年魯僖之四年也

謂公曰吾聞申生之謀愈深

謀謀殺公也愈益也

日吾固告君曰

得衆

日往也

衆弗利焉能勝翟

衆若不利焉肯為用而勝翟乎

今矜翟之

善其志益廣

矜大也善善用衆也

狐突不順故不出

狐突申生之戎御也不順

謂大子謂大子吾聞之申生甚好信而彊彊彊禦也信又失言

於衆矣雖欲有退衆將責焉失言許衆以取言不可食

衆不可弭弭食偽也是以深謀君若不圖難將至矣公曰

吾不忘也抑未有以致罪焉驪姬告優施曰君既許我

殺太子而立奚齊矣吾難里克奈何優施曰吾來里克

一日而已來謂轉里克之心使來從子為我具特羊之

饗特一也凡牲一吾以從之飲酒我優也言無郵郵過

驪姬許諾乃具使優施飲里克酒中飲優施起舞謂里

克妻曰主孟咱我

大夫之妻稱主從夫稱也孟里克妻字咱啖也孟或作益

我教茲

暇豫事君

茲此此里克也暇閒也豫樂也

乃歌曰暇豫之吾吾不如鳥

鳥

吾讀如魚吾吾不敢自親吾之兒言里克欲為問祭人事君之道反不敢自親吾吾然其智曾不如鳥鳥

皆集於死已獨集於枯

集止也死茂木貌已里克也喻人皆與奚齊已獨與申生也

里克笑曰何謂死何謂枯優施曰其母為夫人其子為

君可不謂死乎其母既死其子又有謗可不謂枯乎枯

且有傷

無母喻枯有謗喻傷傷病也

優施出里克辟奠不殮而寢

辟去

也奠置也熟食曰殮

夜半召優施曰曩而言戲乎抑有所聞之乎

兼向也而汝也曰然君既許驪姬殺太子而立奚齊謀既成矣

成定也里克曰吾秉君以殺太子吾不忍秉執也執君志以殺太子不忍

不忍也不忍也通復故交吾不敢交與太子交也中立其免乎優施曰免

中立不阿君亦不助太子旦而里克見丕鄭夜半召優施曰夫史蘇

之言將及矣優施告我君謀成矣將立奚齊丕鄭曰子

謂何謂優施何言也曰吾對以中立丕鄭曰惜也惜惜其失言也不如

曰不信以疏之曰不信者逆優施以不然也距之亦固

太子以攜之固固持也攜離也固持多為之故以變其

志志少疏乃可間也

故謂多作計術以變易其志志少疏乃可間問亦離也

今子

曰中立況固其謀也

況益

彼有成矣難以得間里克曰往

言不可及也

及追

且人中心唯無忌之何可敗也

言驪姬

憚之心執之已固何可敗也

子將何如丕鄭曰我無心是故事君者

君為我心制不在我

我無心者不得自在也君為我心以君為心也

里克曰殺

君以為廉

賈侍中云廉猶利也以太子故殺君以自利唐尚書云為太子殺奚齊不有其國以為廉

也昭謂是時太子未廢獻公在位而以君為奚齊非也君獻公也虞御史云廉謂直也讀若闕廉之廉此說近

之長廉以驕心因驕以制人家吾不敢

制裁也自大其廉而有驕人之

心因駢以裁制人之抑撓志以從君為廢人以自利也

父子吾不敢為也

謂申生也人利方以求成人吾不能

也將伏也

也伏隱明日稱疾不朝三旬難乃成

驪姬以君命命申生曰今夕君夢見齊姜必速祠而歸

福也齊姜申生母申生許諾乃祭於曲沃歸福於絳

也公田驪姬受福乃寘鴆于酒

也公至召申生獻

也公祭之地地墳先也墳起也

申生恐而出驪姬與犬肉犬斃斃死也飲小臣酒亦斃臣小

官名掌陰事公命殺杜原款原款申生之傅申生奔新城新城曲沃

也新為太杜原款將死使小臣圉告于申生小臣太子

原款因為曰款也不才寡知不敏敏達也不能教導以至

于死不能深知君之心度度尺也棄寵求廣土而竄伏焉

棄寵今太子棄位也求小心狷介不敢行也有所不為

也言雖知當與申生俱去也是以言至而無所訟之言

不能事君而出故不敢行也言故陷於大難乃逮於讒逮及也然款也不敢愛死唯與

讒人均是惡也

讒人驪姬均同也

吾聞君子不去情

不去忠愛之情

不

反讒

反謂覆校自申理也

讒行身死可也猶有令名焉

有孝名也

死不

遷情彊也

遷易也

守情說父孝也殺身以成志仁也死不

忘君敬也

使有遺言孤實是也

孺子勉之死必遺愛死民之思

不亦可乎申生許諾

死民之思為民所思也

人謂申生曰非子之

罪何不去乎申生曰不可去而罪釋必歸於君是惡君

也

釋斛也歸於君也

章父之惡而笑諸侯吾誰鄉而入

笑諸侯

諸侯所笑也當趨鄉誰入誰國也

內困於父母外困於諸侯是重困也

棄君去罪是逃死也吾聞之仁不惡君知不重困勇不

逃死若罪不釋去而必重去而罪重不知逃死而惡君

不仁有罪不死無勇去而厚惡惡不可重死不可避吾

將伏以俟命驪姬見申生而哭之就曲沃哭之曰有父忍之

况國人乎有父忍自殺之况能愛國人乎忍父而求好人人孰好之殺

父以求利人人孰利之皆民之所惡也難以長生驪姬

退申生乃雉經于新城之廟雉經頸搶而死也將死乃使猛足

言於狐突曰申生有罪不聽伯氏以至于死猛足申生臣伯氏狐

突字也不聽謂稷
桑之戰不從其言

申生不敢愛其死雖然吾君老矣國

家多難伯氏不出奈吾君何伯氏苟出而圖吾君

國為之謀

也申生受賜以至於死雖死何悔是以諡為共君

諡法既過

能改曰恭國人驪姬既殺太子申生又譖二公子曰重

耳夷吾與知其君之事

言與其逆謀也

公令奄楚刺重耳重

耳逃於翟

奄奄士也楚謂伯楚寺人披之字翟於文公時為勃鞞翟北翟隱姓也

令賈華刺

夷吾夷吾逃於梁

賈華晉大夫梁蕭姓之國伯爵也唐尚書云晉滅以為邑非也是時梁尚

存至魯僖十
九年秦取之盡逐羣公子

羣公子獻公之庶孽及先君之支庶也傳曰獻公之子九

人乃立奚齊焉始為今國無公族焉

二十二年公子重耳出亡及柏谷卜適齊楚

獻公二十二年魯信

五年也公使寺人披伐蒲城重耳自蒲出奔及至也柏谷晉地也

狐偃曰無卜焉

狐偃重耳

之舅狐突之子子犯也無卜不須卜也

夫齊楚道遠而望大不可以困往

望大望諸侯朝貢不恤亡公子也

道遠難通

通至也

望大難走

難歸走也

困往

多悔困且多悔不可以走望

望望其力也

若以偃之慮其翟

乎

翟也

夫翟近晉而不通

不與晉通也

愚陋而多怨

多怨于我翟

走之易達不通可以竄惡

竄隱也

多怨可以共憂今若休

憂於翟以觀晉國且以監諸侯之為其無不成

監視也

誰動也視諸侯所為故無不成也

乃遂之翟處一年公子夷吾亦出奔

虞翟一年魯僖之六年公使賈華伐屈夷吾自屈出奔

曰盍從吾兄竄於翟乎冀

芮曰不可

冀芮晉大夫冀缺之父

後出同走不免於罪

同走領也且

夫偕出偕入難

偕俱也

聚居異情惡

聚共也虞云重耳夷吾情好不同故惡相

近昭謂異情謂各欲求入為君於義惡也

不若走梁梁近於秦秦親吾君吾

君老矣

秦穆夫人蘇公之

子往驪姬懼必援於秦以吾

存也

以吾存者以吾在梁依秦也

且必告悔告悔是吾免也

免免也乃

遂之梁居二年驪姬使奄楚以環釋言

居梁二年魯僖七年環玉環

環還也釋言以言自解釋也

四年復為君

居梁四年魯僖之九年也

虢公夢在廟

虢公王季之子文王之弟虢仲之後虢公醜也廟宗廟也

有神人面白

毛虎爪執鉞立於西阿

西阿西

公懼而走神曰無走帝

命曰使晉襲於爾門

帝天也襲入也

公拜稽首覺召史嚚占之

史嚚虢大史也

對曰如君之言則蓍收也

蓍收西方白虎金正

有子曰該

天之刑神也

刑殺之神也

天事官成

官成禍福各以官象成也

公使囚之且使國人賀夢

欲轉吉之故使賀也

舟之僑告其諸族

舟之僑
號大夫

曰衆謂國亡不久吾乃今知之

以其
賀夢

君不度而

賀大國之襲於已何瘳

度揆也
大國晉也
瘳猶損也
言君不揆度
神意而令
賀之何損

於禍

吾聞之曰大國道小國襲焉曰服

襲入

小國教大

國襲焉曰誅

教慢

民疾君之侈也是以遂於逆命

逆命
距違

也

君命今嘉其夢侈必展

展申

是天奪之鑒而益其疾

鑒

也鏡所以
自省察

民疾其態天又誑之

誑猶
惑也

大國來誅出令而

逆逆謂令國
人賀夢

宗國既卑諸侯遠已

宗國公族也
遠疎外也

內外無

親其誰云救之

云言

吾不忍俟也將行

行去

以其族適

晉六年虢乃亡

通晉在魯閔二年
後六年魯僖五年

伐虢之役師出於虞

魯僖五年獻公
伐虢假道于虞

宮之奇諫而不聽

宮之奇虞大夫諫虞公
勿假晉道虞公不聽

出謂其子曰虞將亡矣唯忠信

者能留外寇而不害

留外寇謂舍
晉軍于國也

除閭以應外謂之忠

除去也去已閭昧之心以
應外謂之忠忠謂恕也

定身以行事謂之信

定安也
行事以

安定其身
謂之信

今君施其所惡於人閭不除矣

已之所惡而
以施人謂假

晉道也以賄滅親身不定矣

賄財也謂虞受晉屈產之
乘垂棘之璧假之道也親

謂虢也虞大王之
後虢王季之胄

夫國非忠不立非信不固既不忠信

而留外寇寇知其釁而歸圖焉

釁隙也圖謀也

已自拔其本矣

何以能久

本謂忠信

吾不去懼及焉以其孥適西山

孥妻子也西山

國之三月虞乃亡

晉滅之也

獻公問於卜偃

卜偃晉掌卜大夫郭偃也

曰攻虢何月也

宜用何月

對曰

童謠有之

童童子徒歌曰謠

曰丙之辰龍尾伏辰

丙丙子辰蚤朝也龍尾尾

星也伏隱也辰日月之交會也魯僖五年冬周十二月夏十月丙子朔之朝日在尾月在天策也伏辰辰在龍

尾隱而未見也

均服振振取虢之旂

均同也戎服君臣同振振威武也交龍曰旂

鷩

之責責天策煇煇火中成軍虢公其奔

鷩鷩火鳥星也責責鷩火星貌

也天策尾上一星名曰天策一名傳說時時近日月之
貌也火鶉火也中晨中也成軍軍有成功也傳曰冬十
二月丙子朔晉滅虢虢公醜奔京師火中而旦其九月十月之交乎交晦朔之
也間

葵丘之會獻公將如會

魯僖九年秋齊桓公盟遇宰周

公宰周公王卿士宰孔也為冢宰食采於周

故曰宰周公周公自會先歸遇獻公于道曰君可無

會也夫齊侯好示務施與力而不務德

好示自矜其功以信施示諸侯

而不務德也施惠也力功也

故輕致諸侯而重遣之

輕謂垂橐而入重謂捆載而歸

使至者勸而畔者慕懷之以典言

懷安也典法也法言謂陽穀之會以四教

今諸侯之屬薄其要結而厚德之以示之信薄其要結謂東

幣三屬諸侯存亡國三以示之施屬會也三會乘車之

也衛邢是以北伐山戎南伐楚西為此會也譬之如室既

鎮其薨矣又何加焉薨棟也又何吾間之惠難徧也施

難報也不徧不報卒於怨讎夫齊侯將施惠如出責如

責望其報也是之不果奉果克也而暇晉是皇以晉為務也

雖後之會將在東矣東東方也其後君無懼焉其有勤

也公乃還無懼於不會也宰孔謂其御曰晉侯將死矣

景霍以為城景大也大霍晉山名也今在河東而汾河涑澮以為淵者

水名淵池也

戎翟之民實環之

環繞也

汪是土也

汪大貌

苟違其

違誰能懼之

苟違違去也其違違道也

今晉侯不量齊德之豐否

厚豐

也否不度諸侯之勢

強弱之勢

釋其閉修

釋舍也閉守也脩治也

而輕

於行道失其心矣

失其心守也

君子失心鮮不夭昏

夭折也昏狂荒

疾是歲也獻公卒八年為淮之會

八年葵丘後八年也桓公復會諸侯于淮

在魯僖十六年傳曰會于淮謀鄭且東畧也

桓公在殯宋人伐之

魯僖十七年冬齊桓

公卒五子爭立大子奔宋宋襄公伐齊納之是為孝公也

二十六年獻公卒

獻公二十六年魯僖九年

里克將殺奚齊先告荀

息曰三公子之徒將殺孺子子將如何

荀息奚齊之傅三公子申生重

耳夷吾徒黨也

荀息曰死吾君

死畜吾君也

而殺其孤吾有死而已

吾蔑從之矣

蔑無也

里克曰子死孺子立死不亦可乎子

死孺子廢焉用死哉荀息曰昔君問臣事君於我我對

以忠貞君曰何謂也我對曰可以利公室力有所能無

不為忠也葬死者養生者死人復生不悔

得其所以任故不悔也

生

人不愧貞也吾言既往矣

既往也

豈能欲行吾言而又愛

吾身乎雖死焉辟之

焉得辟之

里克告丕鄭曰三公子之徒

將殺孺子子將何如丕鄭曰荀息謂何

荀息何言

對曰荀息

曰死之丕鄭曰子勉之夫二國士之所圖無不遂也

二國士里克荀息也遂行也

我為子行之

助行其事謂使

子帥七輿大

夫以待我

七輿申生下軍大夫也左行共華右行賈華叔堅驪欲累虎特宮山祁也待我待我應之

我使翟以動之援秦以搖之

重耳在翟故欲告翟又結援於秦以搖動晉國敗奚

齊之黨也立其薄者可以得重賂

結秦翟之援以立二公子恩薄者可以得重賂也

厚者可使無入

於已厚者可使公子不得入立

國誰之國也

言晉可專也

里克曰不可克聞之夫義者利之足也

有義然後利立故曰利之足也

貪者怨之本也

貪則專利故人怨之

廢義則利不立

無足故不立

厚貪

則怨生夫孺子豈獲罪於民將以驪姬之惑蠱君而誣

國人

蠱化也誣罔也

讒羣公子而奪之利使君迷亂信而亡之

信姬之言使皆奔亡

殺無罪以為諸侯笑

無罪謂申生也

使百姓莫不有

藏惡於其心中

人懷悖逆

恐其如壅大川潰而不可救禦也

禦止也

是故將殺奚齊而立公子之在外者以定民弭憂

於諸侯且為援

弭止也言諸侯義已則得以為援也

庶幾曰諸侯義而撫

之百姓欣而奉之國可以固

固安也

今殺君而賴其富

利賴

也貪且反義貪則民怨反義則富不為賴

不義而富必危故不為利

賴富而民怨亂國而身殆懼為諸侯載

載見於書為後戒也

不可

常也不鄭許諾於是殺奚齊卓子及驪姬而請君於秦

既殺奚齊荀息將死之人曰不如立其弟而輔之荀息

立卓子里克又殺卓子荀息死之君子曰不食其言矣

食偽也

既殺奚齊卓子里克及丕鄭使屠岸夷

屠岸夷晉大夫告

公子重耳於翟曰國亂民擾得國在亂治民在擾

非亂何入

非擾何安亦言勞民易為治也

子盍入乎吾請為子鉢

鉢導也

重耳告舅

犯曰里克欲納我舅犯曰不可夫堅樹在始

樹木也始本根也

始不固本終必搞落夫長國者唯知哀樂喜怒之節是

以導民

長君也導訓也

不哀喪而求國難因亂以入殆以喪得

國則必樂喪

樂喪以喪為樂

樂喪必哀生因亂以入則必喜亂

喜亂必怠德

怠懈也

是哀樂喜怒之節易也

易反也

何以導

民民不我導誰長

不我導不從我訓也長君之也

重耳曰非喪誰代非

亂誰納我舅犯曰偃也間之

偃子犯名為重耳舅故曰舅犯

喪亂有小

大大喪大亂之剝也不可犯也

剝鋒也

父母死為大喪讒

在兄弟為大亂今適當之是故難公子重耳出見使者

曰子惠顧亡人重耳父生不得供備洒埽之臣

洒灑也

死

又不敢莅喪以重其罪且辱大夫敢辭

莅臨也

夫固國者

在親衆而善鄰

固定也親衆愛士民也善鄰善鄰國也

在因民而順之

因民

所愛而立之為順民也

苟衆所利鄰國之所立大夫其從之重耳

不敢違呂甥及卻稱亦使蒲城午

呂甥卻稱夷吾之徒也蒲城午晉大夫

告公子夷吾于梁曰子厚賂秦人以求入吾主子

主子為子

內主也

夷吾告冀芮曰呂甥欲納我

冀芮晉大夫卻豹子從夷吾故告也

冀

芮曰子勉之國亂民擾大夫無常不可失也

無常無常心也

非

亂何入非危何安

亂有所代危得安之

幸苟君之子唯其索之

索求

也所在以求之

方亂以擾孰適禦我大夫無常苟衆所置孰能

勿從子盍盡國以賂外內無愛虛以求入

外謂諸侯內謂大夫虛國

藏以求入也

既入而後圖聚

八國乃圖蓄聚也

公子夷吾出見使者

再拜稽首許諾呂甥出告大夫曰君死自立則不敢立

立嗣君也

久則恐諸侯之謀徑召君於外也

恐受賂徑自召他公子也則

民各有心恐厚亂

各有心所愛不同也

盍請君於秦乎

秦親晉故欲請所立

大夫許諾乃使梁由靡告於秦穆公

梁由靡晉大夫秦穆公伯益之後德

公之子穆公任好也

曰天降禍於晉國讒言繁興延及寡君使寡

君之紹續昆裔

紹繼也續嗣也昆後也裔末也

隱悼播越託在草莽未

有所依

隱憂也悼懼也播散也越遠也依倚也

又重之以寡君之不祿喪

亂並臻

士死曰不祿禮君死赴于他國曰寡君不祿諡也臻至也

以君之靈鬼神降

衷

衷善也

罪人克伏其辜

罪人驪姬也

羣臣莫敢寧處將待君

命

待君命所立也

君若惠顧社稷不忘先君之好辱收其逋遷

商賈而建立之

通亡也遭徙也

以主其祭祀且填撫其國

家及其民人雖四鄰諸侯之間之也其誰不微懼於君

之威而欣喜於君之德終君之重愛受君之重貺而羣

臣受其大德

君謂獻公也貺賜也

晉國其誰非君之羣隸臣也

隸役

也秦穆公許諾反使者

反報也

乃召大夫子明及公孫枝

子明秦大夫百里孟明

視

曰夫晉國之亂吾誰使先

當先

立若夫二公子而立之

若之也使之二公子擇所立也

以為朝夕之急

言晉無君朝

大夫子明曰君使繫也

繫秦公子子顯也

繫敏且

知禮敬以知微敏能竄謀

竄微也

知禮可使敬不隊命

隊失

也微知可否

微密故知可否

君其使之乃使公子繫弔公子重

耳於翟曰寡君使繫弔公子之憂又重之以喪

奔亡之憂加之

以喪也寡人間之得國常於喪失國常於喪

若齊桓公以喪得國子糾

以喪失之是也

時不可失喪不可久公子其圖之重耳告舅犯

舅犯曰不可亡人無親信仁以為親

亡人無親者被不孝之名棄親而亡

也當信行仁道然後有親

是故置之者不殆

置立也殆危也

父死在堂而求

利人孰仁我

人誰以我為仁也

人實有之我以微幸人孰信我

人實有之時多公子非獨已也我不仁不信將何以長
從外微幸而求之人誰謂我信也

利公子重耳出見使者使者公曰君惠弔亡臣又重有

命反國之命重耳身亡父死不得與於哭泣之位又何敢有

他志以辱君義他志謂為君也再拜不稽首起而哭易位而哭退而

不私不私訪也公子繫退弔公子夷吾於梁如弔公子重

耳之命夷吾告冀芮曰秦人勤我矣勤助也冀芮曰公子

勉之亡人無狷潔狷潔不行亡人不可以狷潔狷潔則大事不行重賂配

德以重賂配已之德也公子盡之無受財人實有之我以微幸不

亦可乎公子夷吾出見使者再拜稽首起而不哭退而

私於公子縶曰中大夫里克與我矣

與我助我也

吾命之以

汾陽之田百萬

賈侍中云汾水名汾陽晉地百萬百萬畝也

嬖大夫丕鄭與

我矣吾命之以負葵之田七十萬

負葵晉地名

君苟輔我蔑

天命矣

蔑無也無復天命在秦而已

吾必遂矣

遂成也

亡人苟入掃除

宗廟定社稷亡人何國之與有

言但得守宗廟社稷不敢望國土也

君實

有郡縣

言君亦自有郡縣非謂之無也

且入河外列城五

河外河東也列城五東盡

號南及華山

宣謂君無有亦為君之東游津梁之上

無有難急也

津水也梁橋也非謂君無有若此地者欲使君東游津梁之上無有難急故進之耳

亡人之所懷挾纓纓以望君之塵垢者

扶持也纓馬纓纓馬帶言塵垢

不敢當

黃金四十鎰白玉之珩六雙

二十兩為鎰珩佩上飾也珩形似磬

而小詩傳曰上有慈珩下有雙璜

不敢當公子請納之左右

公子公子繫言左右

也公子繫反致命穆公穆公曰吾與公子重耳重耳仁

再拜不稽首不沒為後也

沒食也

起而哭愛其父也退而

不私不沒於利也

不沒不食利國家也

公子繫曰君之言過矣君

若求置晉君而載之

載成也

置仁不亦可乎君若求置晉

君以成名於天下

威名也

則不如置不仁以滑其中

滑亂也

且可以進退

進退猶改易也

臣聞之仁有置武有置仁置德武

置服

仁置有德武置服從

是故先置公子夷吾實為惠公

穆公問冀芮曰公子誰恃於晉對曰臣聞之亡人無黨

有黨必有讎

有與為黨必有與為讎言無黨則必無讎

夷吾之少也不好弄

戲不過所復

不過差也

怒不及色

無色過也

及其長也弗改是故

出亡無惡於國而衆安之不然夷吾不佞其誰能恃乎

佞才也言無恃則恃秦也

君子曰善以微勸

國語卷八

國語卷九

吳韋昭注

晉語三

惠公入而背外內之賂。

惠公獻公庶子重耳之弟惠公夷吾也外秦內里克也與

人誦之。

與衆也不歌曰誦

曰佞之見佞果喪其田。

偽善為佞佞謂里克不受惠

公賂田而納之見佞謂惠公入而不予也果猶竟也喪亡也

詐之見詐果喪其賂。

謂詐

秦以詐立惠公不置德而置服也見詐謂惠公入而背之

得國而徂終逢其咎。

謂惠公也

狃伏也咎謂敗於韓

喪田不懲禍亂其興

謂不鄭也不得田不懲艾復欲與秦共納重耳

惠公既里丕死

既已也惠公二年春殺里克秋殺丕鄭

禍公隕於韓

禍謂貪恠

之禍也秦伐晉戰於韓獲惠公以歸隕其師徒在魯僖十五年

郭偃曰善哉夫衆口禍

福之門也

偃晉大夫善與人之誦豫知之故曰衆口禍福之門

是以君子省衆而

動也

監戒而謀謀度而行

監察也度揆也察衆口故以為戒謀事揆義乃行

無不濟內謀外度考省不倦

考校也

日考而習戒備畢矣

日自考省習而行之戒備之道畢於是矣

惠公即位出共世子而改葬之臭達於外

共世子申生也獻公時申

生莫不如禮故改葬之惠公烝於獻公夫人賈君故申
生與達於外不欲為無禮者所葬也唐以賈君為申生
妃非也傳曰獻國人誦之曰貞之無報也孰是人斯而
公娶於賈無子

有是臭也

賈唐云貞正也謂惠公欲以正禮改葬世子而不獲吉報也孰誰也斯斯世子也誰使是

人有是臭者言惠公使之也或云貞謂申生與下相違似非也

貞為不聽

以正葬之而不見聽也

信為不誠

信心行之不見誠也

國斯無刑媮居幸生

刑法也言惠公媮竊居位

微幸而生

不更厥貞大命其傾

不變更其正大命將傾傾危也

威兮懷兮

威

也懷思也言國人畏惠公思重耳也

各聚爾有以待所歸兮

爾有所有也

猗兮

違兮心之哀兮

猗歎也違去也言民心欲去其上安土重遷故心哀之

歲之二七

其靡有微兮

二七十四歲後也靡無也無有微者亦亡謂子圉也

若翟公子吾是

之依兮

謂重耳也

鎮撫國家為王妃兮

言重耳當霸諸侯為王妃偶

郭偃

曰甚哉善之難也

難難為也

君改葬共君以為榮也而惡滋

章夫人美於中必播於外而越於民民實戴之

美善也播布也

越揚也戴欣戴也言有善於中心必播於外揚於民也

惡亦如之故行不可不慎

也必或知之

或知下民必知其善否也

十四年君之冢嗣其替乎

冢嗣

太子也替滅也

其數告於民矣

數謂二七也

公子重耳其入乎其魄

兆於民矣

魄形也兆見也

若入必伯諸侯以見天子其光耿於

民矣

耿猶照也

數言之紀也

謂言者紀其數也

魄意之術也

意民之志術道

也魄兆見而民志隨之

光明之耀也紀言以叙之

叙述也

述意以導之

導開導也

明耀以照之不至何待欲先導者行乎

先導謂重耳導引者

可行也將至矣

惠公既殺里克而悔之曰芮也使寡人過殺我社稷之

鎮

芮冀芮也鎮重也

郭偃聞之曰不謀而諫者冀芮也

不先為君謀而

諫使君殺里克者冀芮也

不圖而殺者君也

言不與人謀而殺里克者君之過也

不謀

而諫不忠不圖而殺不祥不忠受君之罰

言君當加罰也

不祥

懼天之禍受君之罰死戮

戮辱也言死且有辱

懼天之禍無後

無後

嗣也志道者勿忘將及矣

志識也及至也勿忘此占言禍將至也

及文公入

文公重

秦人殺冀芮而施之

冀芮既納文公而悔將殺之文公知之潛會秦伯於

耳也

王城冀芮焚公宮求公不得遂如

河上秦伯誘而殺之陳尸曰施

惠公既即位乃背秦賂使丕鄭聘于秦且謝之

謝不也

殺里克曰子殺二君與一大夫

二君奚齊卓子一大夫荀息也

為子君

者不亦難乎丕鄭如秦謝緩賂

緩遲也

乃謂穆公曰君厚

問以召呂甥卻稱冀芮而止之

問聘也謂報丕鄭之聘止留也以師奉

公子重耳臣之屬內作晉君必出

屬七與大夫也必出惠公必出奔也穆

公使泠至報問

泠至秦大夫也報問報不鄭之聘且問遺呂甥之屬

且召三大夫

鄭也與客將事

客泠至也將事行聘事也

冀芮曰鄭之使薄而報厚

薄禮幣少也

其言我於秦也必使誘我弗殺必作難

不殺鄭必作難

於是故殺丕鄭及七與大夫

七與申生下軍之衆大夫也

共華賈華

叔堅騅欬纍虎特宮山祁皆里丕之黨也不豹出奔秦

豹丕鄭之子

丕鄭之自秦反也而聞里克死見共華曰可以

入乎共華曰二三子皆在而不及

二三子七與大夫也不及謂罪不及也

子使於秦可哉

人可也

不鄭人君殺之共賜謂共華

共賜

華之族

曰子行乎其及也

行去也其及將見及也

共華曰夫子之

入吾謀也將待及

言已誤不鄭將待禍及也

賜曰孰知之共華曰不

可知而背之不信謀而困人不知

謀不中為困

困而不死無

勇任大惡三行將安入

任荷也

子其行矣我姑待死

子共賜也

不鄭之子曰豹出奔秦謂穆公曰晉君大失其衆背君

賂殺里克而忌處者衆固不說

忌惡也處者國中大夫也

今又殺臣

之父及七輿大夫此其黨半國矣君若伐之其君必出

穆公曰失衆安能殺人

言晉君失衆焉能使衆殺爾父及七輿大夫

且夫禍

唯無斃

斃死也罪不至死則不為亂

足者不處

罪足以死則不處國

處者不足

處國者不足以死也

勝敗若化

化言轉化無常也猶丕鄭欲殺君君反殺之

以禍為違

孰能出君

違去也謂丕豹以禍故去其國誰能出君乎

爾俟我

俟待也待我圖之

晉饑

穀不熟曰饑在魯僖十三年

乞糴於秦丕豹曰晉君無禮於君

衆莫不知

無禮背賂也

往年有難今又荐饑

難謂殺里丕之黨仍饑曰荐

已失人又失天其殃也多矣

失人里克也失天荐饑也

君其伐之勿

予糴公曰寡人其君是惡其民何罪天殃流行國家代

有代更補乏藁饑道也不可以廢道於天下藁進謂公

孫枝曰予之乎

枝子桑也

公孫枝曰君有施於晉君晉君無

施於其衆今旱而聽於君其天道也

聽聽命於君也

君若弗予

而天子之

予之年也

苟衆不說其君之不報也則有辭矣

苟使

晉衆不說惠公不報秦施今不予

不如予之以說其衆

衆說必咎其君其君不聽然後誅焉雖欲禦我誰與是

故汎舟於河歸糴於晉

汎浮也歸不反之辭也

秦饑公令河上輸

之粟

河上所許秦五城也

虢射曰弗予賂地而予之糴

虢射晉大夫

無

損於怨而厚於寇

厚猶強也

不若勿予公曰然慶鄭曰不可

慶鄭晉大夫

已賴其地而又愛其實

賴贏也實穀也

忘善而背德雖

我必擊之

我當秦處亦當擊晉

弗予必擊我公曰非鄭之所知也

遂不予六年秦歲定

惠公六年魯僖十五年定安也穀熟則民安

帥師侵晉

至於韓

韓晉地韓原也

公謂慶鄭曰秦寇深矣奈何

深入境深也一日深

猶重也

慶鄭曰君深其怨能淺其寇乎非鄭之所知也君

其訊射也

訊問也射號射也

公曰舅所病也

病短也諸侯謂卜異姓大夫曰舅

右慶鄭吉

右公戎車之右

公曰鄭也不孫

言不順不可以為車右

以家僕

徒為右

家僕徒

步揚御戎

步揚晉大夫御御公戎車也

梁由靡御韓

簡

由靡晉大夫韓簡晉卿韓萬之孫

號射為右

為簡車右

以承公

承次也次公車公

禦秦師令韓簡視師曰師少於我闔士眾

欲闔者眾

公曰何

故簡曰以君之出也處已

已秦也處已在梁依秦

入也煩已

為秦所立

饑食其糴三施而無報故來今又擊之秦莫不慍

慍怒也

晉莫不急

受其施而急情

闔士是故眾公曰然今我不擊歸必

狃

狃伏也必狃伏而不擊而歸秦

一夫不可狃况國乎公令韓簡

挑戰

先挑戰求戰

曰昔君之惠寡人未之敢忘寡人有眾能

合之弗能離也

弗能離言衆欲戰也

君若還寡人之願也君若不

還寡人將無所避穆公衡雕戈出見使者

衡橫也雕鏤也戈戟也

曰昔君之未入寡人之憂也君入而列未成寡人未敢

忘

列位也

今君既定而列成君其整列寡人將身見

若云朝見

實欲戰也

客還公孫枝進諫曰昔君之不納公子重耳而納

晉君是君之不置德而置服也置而不遂擊而不勝

遂成

也其若為諸侯笑何君盍待之乎

待其亂將自斃也

穆公曰然

昔吾之不納公子重耳而納晉君是不置德而置服也

然公子重耳實不肯吾又奚言哉殺其內主

謂里丕也

背其

外賂

外秦也

彼塞我施若無天乎云

云言也晉所行若言無有天也

若有

天吾必勝之

天道助順故必勝也

君揖大夫就車君鼓而進之晉

師潰戎馬濘而止

濘深泥也止戎馬陷焉

公號慶鄭曰載我

號呼也

慶鄭曰忘善而背德又廢吉卜

卜右慶鄭吉公廢不用

何我之載

鄭之車不足以辱君避也

避避也

梁由靡御韓簡輅秦公

將止之

輅迎也

慶鄭曰釋來救君

釋舍也

亦不克救遂止於

秦

止獲也為秦所獲

穆公歸至于王城

王城秦地

合大夫而謀曰殺

晉君與逐出之與以之歸與復之孰利公子縶曰殺之

利

以為臣子絕望

逐之恐構諸侯

構文構也

以歸則國家多慮

慮惡也恐

知國家間隙之惡也

復之則君臣合作恐為君憂不若殺之公孫

枝曰不可耻大國之士於中原又殺其君以重之子思

報父之仇臣思報君之仇雖微秦國天下孰不患

微無也雖

無秦國天下諸侯有害人君父者誰不患疾也

公子縶曰吾豈將徒殺之

徒空也

吾將以公子重耳代之晉君之無道莫不聞公子重耳

之仁莫不知戰勝大國武也殺無道而立有道仁也勝

無後害知也公孫枝曰耻一國之士又曰余納有道以

臨汝無乃不可乎

雖立有道君父之耻未刷

若不可必為諸侯笑戰

而笑諸侯不可謂武殺其弟而立其兄兄德我而忘其

親不可謂仁若勿忘是再施而不遂也不可謂知君曰

然則若何公孫枝曰不若以歸以要晉國之成

要結也成平也

復其君而質其適子使子父代處秦

代更也

國可以無害

是故歸惠公而質子圉

子圉惠公適子懷公也

秦始知河東之政

秦取河東之地而置官司故知河東之政在魯僖十五年

公在秦三月

內傳惠公以九月獲十一月歸

聞秦將成乃使卻乞告呂

甥

卻乞晉大夫呂甥瑕呂飴甥

呂甥教之言令國人於朝曰君使乞

告二三子曰秦將歸寡人寡人不足以辱社稷二三子

其改置以代圉也

欲令更命立它公子以代子圉言父子避位以感動羣下

且賞以

說衆衆皆哭焉作轅田

賈侍中云轅易也為易田之法賞衆以田易者易疆界也或云

轅車也以田出車賦

昭謂此欲賞以說衆而言以田出車賦非也唐云讓肥取境也

呂甥致衆而

告之曰吾君慙焉其亡之不恤

亡謂在外恤憂也

而羣臣是憂

不亦惠乎

憂謂改立君賞羣臣作轅田也

君猶在外若何衆曰何為而

可何所施為呂甥曰以韓之病兵甲盡矣病敗也若征繕

以輔孺子以為君援征賦也言當賦稅以繕甲兵輔子圍以為君援雖四鄰之

聞之也喪君有君羣臣輯睦兵甲益多好我者勸惡我

者懼庶有益乎衆皆說焉作州兵二千五百家為州使州長各帥其屬繕甲

兵也呂甥逆君於秦穆公訊之訊問也曰晉國和乎對曰不

和公曰何故對曰其小人不念其君之罪而悼其父兄

子弟之死喪者謂韓之戰敗也不憚征繕以立孺子曰必報吾

仇寧事齊楚齊楚又交輔之交夾也其君子思其君且知

其罪曰必事秦有死無它故不和比其和之而來故久

公曰而無來吾固將歸君國謂君何對曰小人曰不免

君子則不公曰何故對曰小人忌而不思忌怨也不思

願從其君而與報秦君謂子是故云故言其君子則不

曰吾君之人也君之惠也能納之能執之則能釋之德

莫厚焉惠莫大焉納而不遂廢而不起以德為怨君其

不然秦君曰然乃改館晉君改更也初秦伯拘晉侯於靈臺將復之故更舍之於

館饋七牢焉牛羊豕為一牢饗餼七牢侯伯之禮也

公未至蛾析謂慶鄭

蛾析晉大夫

曰君之止子之罪也

止獲也

今君將來子何俟慶鄭曰鄭也聞之曰軍敗死之將止

死之二者不行又重之以誤人而喪其君

誤人誤梁山靡令君見獲

也有大罪三將安適

適之也

君若來將待刑以快君志君

若不来將獨伐秦

獨帥其屬

不得君必死之此所以待也

所以

不去待

臣得其志

志謂出奔也

而使君曹是犯也

曹慙也犯逆也

君行犯猶失其國而況臣乎公至于絳郊聞慶鄭止使

家僕徒召之曰鄭也有罪猶在乎慶鄭曰臣怨君始入

而報德不降

不自降下而背秦也

降而聽諫不戰

慶鄭諫公使與秦糴若公降心

聽之可不戰戰而用良不敗

良善也卜右慶鄭吉不用又乘鄭小駟不用良馬故敗

既

敗而誅又失其罪

若鄭出亡是失有罪

不可以封國

不可以守封國也

臣

是以待即刑以成君政君曰刑之慶鄭曰下有直言臣

之行也

行道也

上有直刑君之明也

言刑殺得正此人君之明也

臣行

君明國之利也君雖弗刑必自殺也蛾析諫曰臣聞之

奔刑之臣

奔趨也

不若赦之以報仇

仇秦也

君盍赦之以報

于秦梁由靡曰不可我能行之秦豈不能

能行之謂能赦罪以報仇

也秦豈獨不能乎

且戰不勝而報之以賊不武出戰不克入處

不安不知

出戰不克謂韓時也入處不安謂今也欲復伐秦故不得安也

成而反之不

信

成平也與秦始平而又反之不信

失刑亂政不威

有罪不殺為失刑失刑則政亂政亂

則威不行也

出不能用入不能治敗國且殺孺子

孺子子國也秦復惠

公而質子圍君伐秦秦必殺之

不若刑之君曰斬鄭無使自殺家僕徒

曰有君不忌有臣死刑

忌怨也

其聞賢於刑之梁由靡曰

夫君政刑是以治民不聞命而擅進退犯政也

言慶鄭擅進退

快意喪君犯刑也鄭也賊而亂國不可失也且戰而自

退退而自殺臣得其志君失其刑後不可用也

不可復用戰也

君命司馬說刑之

司馬軍司馬說其名也

司馬說進三軍之士而

數慶鄭曰夫韓之誓曰失次犯令死

次行列也令軍令也

將止不

面夷死

將帥也止獲也夷傷也

偽言誤衆死今鄭失次犯令而罪

一也鄭擅進退而罪二也女誤梁由靡使失秦公而罪

三也君親止女不面夷而罪四也鄭也就刑慶鄭曰說

三軍之士皆在

皆在此也

有人能坐待刑而不能面夷

言我能坐

待死而不能面夷乎怨君不用忠言忘善背德也

趣行事乎

趣司馬行其刑也

丁丑斬

慶鄭乃入絳十五年惠公卒懷公立

懷公子圉也魯僖二十二年自秦逃

歸秦乃召重耳於楚而納之晉人殺懷公於高梁

高梁晉地

而授重耳實為文公

國語卷九

謹案卷七第一頁前七行更為翼侯後十五年桓叔之子莊伯伐翼按此十六字刊本誤脫據宋

本增

第二頁前七行大夫占兆刊本兆訛色據宋本改
第四頁前三行立以為夫人也刊本脫此句據宋

本增

第十六頁前二行左右異色刊本脫色字據宋本

增

卷九第九頁前五
行易者易疆界也刊本脫易者

二字據宋本增





總校官庶吉士臣張能照

校對官庶吉士臣戴心亨

校對官庶吉士臣翟槐

謄錄舉人臣陳紹貴

謄錄監生臣姚鍾英

欽定四庫全書薈要

史部

國語卷

十二

詳校官員外郎臣楊世綸



國語卷十

吳 韋昭 注

晉語四

劉在翟十二年

文公晉獻公庶子重耳也避驪姬之難魯僖五年歲在大火自蒲奔翟至

十六年歲在壽星故在翟十二年

狐偃曰日吾來此也

狐偃文公舅子紀也日往日也

非以翟為榮可以成事也

榮樂也成事成反國之事

吾曰奔而易達

達至也

困而有資

資財也

休以擇利可以戾也

休息也戾定也

今戾

久矣戾久將底

底止也

底著滯淫

著附也滯廢也淫久也

誰能興之

興起也

益速行乎吾不適齊楚避其遠也蓄力一紀可以

遠矣

蓄養也十二年歲星一周為一紀

齊侯長矣而欲親晉

齊侯桓公也長老也

是歲桓公為淮之會明年而卒

管仲沒矣多讒在側

沒終也讒謂易牙豎刁之屬

謀

而無正衷而思始

無正無正從也衷中也中道思其初時也

夫必追擇前言

求善以終

前言管仲忠善之言

厭邇逐遠遠人入服不為郵矣

邇近

也逐求也郵過也

會其季年可也

季末也勸使文公適齊會桓公季末之年可也

茲可

以親

茲此也

皆以為然乃行過五鹿乞食於野人

五鹿衛邑不見

禮故乞食

野人舉塊以與之

塊璞也

公子怒將鞭之子犯曰天

賜也民以土服又何求焉

言明奉土以服公子

天事必象

必先有象

十

有二年必獲此土

後十二年必得五鹿

二三子志之

志識也

歲在壽

星及鶉尾其有此土乎

歲歲星也自軫十二度至氐四度為壽星之次自張十七度至

軫十一度為鶉尾之次歲在壽星謂得塊之歲魯僖十

六年也後十一年歲在鶉尾必有此五鹿地也魯僖二

十七年歲在鶉尾二十八年歲復在壽星晉文公伐衛

正月六日戊申取五鹿周正月夏十一月也正天時以

夏時故歲

天以命矣

命告也野人奉塊

復於壽星必獲諸侯

復歲

在壽星謂魯僖二十八年也是歲四月文公敗楚師於

城濮合諸侯於踐土五月獻俘于王王策命之以為侯

伯故得天之道也

天之數不過十二

由是始之

由從也從得塊始

有此

其以戊申乎

有此五鹿當以戊申日也

所以申土也

日以戊申戊土也申申廣土地

也

再拜稽首受而載之

拜天賜受塊而載之

遂適齊齊侯妻之甚

善焉

桓公以女妻之遇之甚善

有馬二十乘

四馬為乘八十匹也

將死於齊而

已矣曰民生安樂誰知其它桓公卒

在齊一年而桓公卒

孝公即

位

孝公桓公子昭也即位魯僖十八年

諸侯畔齊子犯知齊之不可以

動

動謂求反國也

而知文公之安齊而有終焉之志也欲行而

患之

患文公不肯去也

與從者謀於桑下

從者趙衰之屬

蠶妾在焉

在桑

也上莫知其在此也妾告姜氏姜氏殺之

殺之以滅口也時諸侯畔齊晉又欲

去恐孝公怒

而言於公子曰從者將以子行其聞之者吾已

除之矣子必從之不可以貳

貳疑也

貳無成命

疑則不成天命

詩

云上帝臨女無貳爾心

詩大雅大明之七章也上帝天也女謂武王也言天臨護女伐

紂必克無有疑心

先王其知之矣貳將可乎

言武王知天命不可以疑故卒有天下

下子去晉難而極於此

極至也

自子之行晉無寧歲民無

成君

成定也謂奚齊卓子殺死惠公無親内外惡之

天未喪晉無異公子

同生九人

唯重耳在

有晉國者非子而誰子其勉之上帝臨子矣貳必

有咎

天子不取
故必有咎

公子曰吾不動矣必死於此姜曰不然

周詩曰芻芻征夫每懷靡及

詩小雅皇皇者華之首章
也芻芻衆多也征行也懷

私為每懷言臣奉命當念
在公每輒懷私將無所及

夙夜征行不遑啟處猶懼無

及

夙蚤也行道也皇暇
也啓跪也處居也

況其順身縱欲懷安將何及矣

人不求及其能及乎

求及求
及時也

日月不處人誰獲安西方

之書有之曰懷與安實疚大事

西方謂周也詩云誰將
西歸又曰西方之人皆

謂周也安自
安也疾病也

鄭詩云仲可懷也人之多言亦可畏也

詩

風將仲子之卒章也仲祭仲也懷思也言雖欲
從心思仲猶能畏人自止見可懷思可畏也

昔管敬

仲有言小妾聞之

敬仲夷吾字也

曰畏威如疾民之上也

畏威如畏

疾病此民之上行

從懷如流民之上也

從心所思如水流

見懷

思威民之中也

威畏也見可懷則思可畏此民之中行

畏威如疾乃能威

民

言能畏上乃能威下

威在民上弗畏有刑

能威民故在人上不畏威則有刑罪

從

懷如流去威遠矣故謂之下

去威遠言不能威民也

其在辟也吾

從中也

辟罪也弗畏有刑故不在上下欲避罪故

從中也

鄭詩之言吾其從

之

從其畏人此之多言也

此大夫管仲之所以紀綱齊國裨輔先君

而成霸者也子而棄之不亦難乎

裨補也

齊國之政敗矣

晉之無道久矣從者之謀忠矣時日及矣公子幾矣

近幾

也言重耳得國時日近也

君國可以濟百姓而釋之者非人也

濟成也釋

置敗不可處

敗謂齊也

時不可失忠不可棄懷不可從子必

速行吾聞晉之始封也

始封謂唐叔虞

歲在大火閼伯之星也

實紀商人

商殷也自氏五度至尾九度為大火之次閼伯陶唐氏之火正居於商丘祀大火死以配

食相土因之故商主大火實紀商之吉凶也

商之饗國三十一王

自湯至紂

瞽史

之記曰唐叔之世將如商數

瞽史知天道者

今未半也

自唐叔至惠公

十四世故

亂不長世

不長世亂當有平時也

公子唯子子必有晉

若何懷安公子弗聽姜與子犯謀醉而載之以行醒以
戈逐子犯曰若無所濟吾食舅氏之肉其知厭乎舅犯
走且對曰若無所濟余未知死所誰能與豺狼爭食

戰死

原野公子將走不暇豈能復與豺狼爭食我乎

若克有成公子無亦晉之柔嘉

是以甘食

無亦不亦也柔腕也嘉美也

偃之肉腥臊將焉用之遂行

過衛衛文公有邢翟之虞不能禮焉

衛文公宣公之孫昭伯頑之子熒也

虞備也是歲魯僖十八年冬邢人翟人伐衛

圍苑圃文公師于訾婁以還之故不能禮焉

於公

莊子衛正卿穆仲靜之子甯速也

曰夫禮國之紀也親民之結也

君親其親所以結民心使相親也

善德之建也

建立也言能善善所以立德也

國無紀

不可以終民無結不可以固德無建不可以立此三者

君之所慎也今君棄之無乃不可乎晉公子善人也而

衛親也君不禮焉棄三德矣

晉祖唐叔武王之子衛祖康叔文王之子故曰親三

德謂禮賓親親善善也

臣故云君其圖之康叔文之昭也唐叔武

之穆也

自祖以下一昭一穆故康叔為文昭唐叔為武穆

周之大功在武

謂始伐紂

定天天胙將在武族也

族嗣

苟姬未絕周室而俾守天聚

者必武族也

聚財衆也

武族唯晉寶昌晉肅公子寶德晉仍

無道

也仍重

天昨有德晉之守祀必公子也若復而脩其

德鎮撫其民必獲諸侯以討無禮君弗蚤圖衛而在討

小人是懼敢不盡心公弗聽自衛過曹曹共公亦不禮

焉

共公曹昭公之子曹伯襄也

聞其解脅欲觀其狀

解并榦也

止其舍謀

其將浴設微薄而觀之

謀侯也微薄迫也

僖負羈之妻言於

負羈

負羈曹大夫

曰吾觀晉公子賢人也其從者皆國相也

以相一人必得晉國得晉國而討無禮曹其首誅也子

蓋蚤自貳焉

貳猶別也

僖負羈餽殯壁焉

熟食曰殯置也置壁於殯下

公子受飧反璧負羈言於曹伯曰夫晉公子在此君之

匹也君不亦禮焉曹伯曰諸侯之亡公子其多矣誰不

過此亡者皆無禮者也余焉能盡禮焉對曰臣聞之愛

親明賢政之榦也榦榦也禮賓矜窮禮之宗也宗本也禮以

紀政國之常也紀理也失常不立君所知也失常則政不立也國君

無親國以為親僚以官相親先君叔振出自文王文王子也

晉祖唐叔出自武王武王子也文武之功實建諸姬故二王

之嗣世不廢親今君棄之是不愛親也晉公子生十七

年而亡

亡奔也

卿材三人從之可謂賢矣

三人狐偃趙衰賈佗

而君

蔑之是不明賢也晉公子之亡不可不憐也比之賓客

不可不禮也失此二者是不禮賓不憐窮也守天之聚

將施於宜宜而不施聚必有闕

宜義也闕缺也

玉帛酒食猶糞

土也愛糞土以毀三常

三常政之榦禮之宗國之常也

失位而闕聚是

之不難無乃不可乎君其圖之公弗聽公子過宋

自曹適宋

與司馬公孫固相善

固宋莊公之孫大司馬固也相善相說好

公孫固言於

襄公曰晉公子亡長幼矣

襄公宋桓公子茲父也長幼從幼至長也

而好善

不厭父事狐偃師事趙衰而長事賈它

長兄事之

狐偃其舅

也而惠以有謀趙衰其先君之戎御趙夙之弟也而文

以忠貞

趙衰晉卿公明之少子成子衰也先君獻公戎御御戎車也傳曰趙夙御戎

賈它公

族也而多識以恭敬

賈它狐偃之子狐射姑大師賈季也公族姬姓也食邑於賈字季

此三人者實左右之公子居則下之動則咨焉成幼而

不倦

成幼自幼至成人也

殆有禮矣樹於有禮必有艾

樹種也艾報也

商

頌曰湯降不遲聖敬日躋

長發之三章也降下也躋升也言湯之尊賢下士甚疾故

其聖敬之道日升聞於天降有禮之謂也

降已於有禮也

君其圖之襄公從

之贈以馬二十乘公子過鄭鄭文公亦不禮焉

文公鄭厲公之

子捷叔詹諫曰臣聞之

叔詹鄭大夫

親有天

有天天所啓也用前訓前

先君之教禮兄弟資窮困

資稟也天所福也今晉公子有三胙

焉天將啓之

啓聞也

同姓不婚惡不殖也

殖蕃也

狐氏出自

唐叔

狐氏重耳外家與晉俱唐叔之後別在犬戎者

狐姬伯行之子也實生重

耳

伯行狐突字

成而雋才離違而得所

言成人而有雋才也違去也離禍去國舉

動得

久約而無釁一也

釁瑕也

同出九人唯重耳在

同出同父

也離外之患而晉國不靖二也

靖治也

晉侯日載其怨外

內棄之

也載成

重耳日載其德狐趙謀之三也在周頌曰

天作高山大王荒之

天作之首章也作生也高山岐山也荒大也言天生此高山使與雲

雨大王則秩祀而尊大之

荒大之也大天所作可謂親有天矣晉鄭

兄弟也吾先君武公與晉文侯勦力一心股肱周室夾

輔平王

武公鄭桓公之子滑突也文侯晉穆侯之子仇也勦并也一同也

平王勞而德

之而賜之盟質曰世相起也

質信也起扶持也

若親有天獲三

胙者可謂大天

三胙謂成而雋才晉國不靖狐趙謀之也

若用前訓文侯之

功武公之業可謂前訓

業事也前訓二國同心之訓

若禮兄弟晉鄭

之親王之遺命可謂兄弟

晉鄭同姓王之遺命又使相起可謂兄弟

若資窮

困亡在長幼還軫諸侯可謂窮困

軫車後橫木也還軫猶回車周歷諸國遭

離阮棄此四者以徼天禍無乃不可乎

徼要也四者有天前訓兄弟困

窮君其圖之弗聽叔詹曰若不禮焉則請殺之諺曰黍

稷無成不能為榮

稷梁也無成謂死也榮秀也

黍不為黍不能蕃廡

為成也蕃滋也廡豐也

稷不為稷不能蕃殖

殖長也

所生不疑唯德

之基

所生謂種黍得黍種稷得稷唯在所樹言禍福亦猶是也若不禮重耳則當除之不爾則宜厚之如

此不疑是為德基也

公弗聽遂如楚楚成王以周禮享之九獻庭

實旅百

成王楚武王之孫文王之子熊頤也九獻上公之享禮也庭實庭中之陳也百舉成數也周禮

上公出入五積饗餼九牢米百有二十宮醴醴百有二十罍禾五十車芻薪倍禾

公子欲辭

不敢

當子犯曰天命也君其饗之

天命天使之也饗食也

亡人而國薦

之

薦進也以國君之禮薦進之

非敵而君設之

非體敵而設之如人君也

非天誰

啟之心既饗楚子問於公子曰子若克復晉國何以報

我公子再拜稽首對曰子女玉帛則君有之

有之楚自多也子女

美女也羽旄齒革則君地生焉

羽鳥羽也旄旄牛尾也齒象牙也革

犀兕皮也皆生於楚

其波及晉國者君之餘也又何以報

波流也

王

曰雖然不穀願聞之

曲禮曰四夷之大國於境內自稱不穀

對曰若以君

之靈

靈神也

得復晉國晉楚治兵會於中原其避君三舍

治兵謂征伐也古者師行三十里而舍三舍為九十里司馬法曰進退不過三舍禮也

若不獲命

不獲楚還師之命

其左執鞭弭右屬橐鞬以與君周旋

鞭所以擊馬傳

曰雖鞭之長不及馬腹爾雅曰弓無緣者謂之弭橐鞬矢房鞬弓弦也言以禮避君君不旋乃敢左執弓右屬手

於房以取矢與君周旋相馳逐也

令尹子玉曰請殺晉公子

子玉楚若敖之曾孫

令尹成得臣也

弗殺而反晉國必懼楚師王曰不可楚師之懼

我不脩也

我德不脩也

我之不德殺之何為天之胙楚誰能

懼之楚不可胙冀州之土其無令君乎

晉在冀州

且晉公子

敏而有文

敏達也文有文辭也

約而不諂

在約因之中而解不諂屈也

三材傳

之天胙之矣

謂狐趙賈三人也

天之所興誰能禦之子玉曰然

則請止狐偃

止謂留為質也

王曰不可曹詩曰彼己之子不遂

其媾郵之也

曹風候人之三章也媾厚也遂終也郵過也

夫郵而效之郵又

甚焉效郵非義也於是懷公自秦逃歸

懷公子圉也為質於秦于魯倍

二十二

年逃歸秦伯召公子於楚

秦伯穆公也

楚子厚幣以送公子

于秦秦伯歸女五人懷嬴與焉

歸嫁也懷嬴故子圉妻子圉逃歸立為懷公故

曰懷嬴與焉
與為媵也

公子使奉匱沃盥既而揮之

婚禮嫡入于室媵御奉匱

盥揮

嬴怒曰秦晉匹也何以卑我

匹敵也卑賤也

公子懼降服

囚命

懼嬴之訴降服微上服囚命自囚以聽命也

秦伯見公子曰寡人之適

此為才

適適妃子也

子圉之辱備嬪嬙焉

辱質於秦時嬪嬙婦官也

欲以

成婚而懼離其惡名非此則無故

言欲以成婚懼以子圉妻恐離其惡名

非有此則無他故

不敢以禮致之歡之故也

不敢以婚姻正禮致之而令與於五

人歡愛此女之故

公子有辱寡人之罪

辱謂降服也言寡人不備禮故令公子卑之此

自寡人之罪

唯命是聽

進退此女聽公子命

公子欲辭

嫌於骨肉相取已欲辭不取也

司空季子曰同姓為兄弟

季子晉大夫胥臣曰季也後為司空賈侍中云兄弟婚姻

之稱也昭謂同姓為兄弟謂同父而生德姓同者乃為兄弟以言惠公重耳其德不同則子圍道路之人可以

妻其妻黃帝之子二十五人其同姓者二人而已唯青陽

與夷鼓皆為己姓

其二人相與同德故俱為己姓青陽金天氏帝少昊也

青陽方

雷氏之甥也夷鼓彤魚氏之甥也

方雷西陵氏之姓也彤魚國名帝繫曰黃

帝取於西陵氏之子曰累祖實生青陽姊妹之子曰甥雷系聲同

其同生而異姓者四

母之子別為十二姓凡黃帝之子二十五宗

唐尚書云繼別為小

宗非也繼別為大宗別子之庶孫乃為小宗耳其得姓者十四人為十二姓得

以德居官而賜之姓也謂十四人而二人為姬二人為己故十二姓姬酉祁已滕歲任荀

僖姑懷依是也唯青陽與倉林氏同于黃帝故皆為姬

姓二十五宗唯青陽與倉林德及黃帝同姓為姬也同德之難也如是言德自黃帝同

之難也如是昔少典取于有蟠氏生黃帝炎帝賈侍中云少典黃帝之先

有蟠諸侯也炎帝神農也虞唐云少典黃帝炎帝之父昭謂神農三皇也在黃帝前黃帝滅炎帝滅其子孫耳

明非神農可知也言生者謂二帝本所生出也內傳黃高陽高辛氏各有才子八人謂其裔子耳賈君得之

帝以姬水成炎帝以姜水成姬姜水名也成謂所生長以成功也成而異

德故黃帝為姬炎帝為姜二帝用師以相濟也異德之

故也

濟當為擠擠滅也傳曰黃帝戰于阪泉是也

異姓則異德異德則異類

異類雖近男女相及以生民也

重耳懷嬴之舅故又言此以勸之也近謂有屬

名也相及相嫁娶也

同姓則同德同德則同心同心則同志同志

雖遠男女不相及畏黷敬也

畏衆黷其類也

黷則生怨怨亂毓

灾灾毓滅姓

毓生也

是故取妻避其同姓畏亂灾也故異

德合姓同德合義

合姓合二姓為婚姻也合義以德義相親

義以道利

有義則利

隨利以阜姓也

阜厚

姓利相更成而不遷

更續也遷離散也

乃能

攝固保其土房

攝持也保守也房居也

今子於子圉道路之人也

言德姓異也

取其所棄以濟大事不亦可乎公子謂子犯曰何

如對曰將奪其國何有於妻唯秦所命從也

言將奪其國何辭於

妻初奚齊卓子死秦伯欲納重耳子犯難之以為不可今更言此者子圉無道害重耳使狐突召子犯及其兄毛突不召而殺之故謂子餘曰何如子餘趙衰字對曰禮志重耳子犯皆怨之

有之曰將有請於人必先有入焉

必先有以自入也

欲人之愛已

也必先愛人欲人之從已也必先從人無德於人而求用

於人罪也

言不先施德於人而求人為己用者是罪也

今將婚媾以從秦

重婚媾

從從其命也

受好以愛之

受其所好而親愛之

聽從以德之

使之懼其未

可也又何疑焉乃歸女而納幣且逆之

歸女納幣更成婚禮逆親迎也

他日秦伯將饗公子公子使子犯從子犯曰吾不如衰

之文也

文文辭也

請使衰從乃使子餘從秦伯饗公子如饗國

君之禮子餘相如賓

詔相重耳如賓禮也

卒事秦伯謂其大夫曰為

禮而不終耻也

言此為明日將復燕

中不勝貌耻也

勝當為稱中不勝貌情貌相違

也華而不實耻也

有華色而無實事

不度而施耻也

不度己力施而施德

而不濟耻也

濟成

耻門不閉豈可以封

五耻之門不閉塞者不可以封國為

也諸侯

非此用師則無所矣

非能閉此五耻之門則用師無所也

二三子敬乎

敬此 明曰燕秦伯賦采叔

采叔五章屬小雅王賜諸侯命服之樂也其首章曰君子來朝

何錫予之雖無予之路車乘馬

子餘使公子降拜

降下堂也

秦伯降辭子餘曰

君以天子之命服命重耳重耳敢有安志敢不降拜成拜

卒登子餘使公子賦黍苗

黍苗亦小雅道邵伯述職勞來諸侯也其詩曰芄芃黍苗陰雨

膏之悠悠南行邵伯勞之

子餘曰重耳之卬君也若黍苗之卬陰雨也

若君實庇蔭膏澤之使能成嘉穀薦在宗廟君之力也

在宗廟為祭主

君若昭先君之榮東行濟河整師以復疆周室重

耳之望也

先君謂秦襄公討西戎有功賜爵為伯有榮耀也

重耳若獲集德而歸

載

集成也
載祀也

使主晉民成封國其何實不從

言實從也

君若恣

志以用重耳

用使征伐也

四方諸侯其誰不惕惕以從君命秦

伯嘆曰是子將有焉豈專在寡人乎秦伯賦鳩飛

鳩飛小雅小宛

之首章曰宛彼鳴鳩翰飛戾天我心憂傷念昔先人明發不寐有懷二人言已念晉先君洎穆姬不寐以思安

集晉之君臣也詩序云文公遭驪姬之難未反而秦姬卒言已念傷亡人思成公子也

公子賦河

水河當作汚字相似誤也其詩曰汚彼秦伯賦六月

六月

小雅道尹吉甫佐宣王征伐復文武之業其詩云王于出征以匡王國其二章曰以佐天子其三章曰共武之

服以定王國此言重耳為君子餘使公子降拜秦伯降必霸諸侯以匡佐天子也

子餘使公子降拜秦伯降

辭子餘曰君稱所以佐天子匡王國者以命重耳重耳

敢有惰心敢不從德

稱舉也

公子親筮之曰尚有晉國

舊

筮尚上也命筮之辭也禮曰某子尚享之

得貞屯悔豫皆八也

內曰貞外曰悔震下坎上

屯坤下震上豫得此兩卦震在屯為貞在豫為悔八謂震兩陰爻在貞在悔皆不動故曰皆八謂爻無為也

筮史占之皆曰不吉

筮史筮人掌以三易辨九筮之名一夏連山二殷歸藏三周易以連

山歸藏占此兩卦皆言不吉

閉而不通爻無為也

閉壅也震為動動遇坎坎為險阻閉

塞不通無所為也

司空季子曰吉是在周易皆利建侯

建立也以周易

占之二卦皆吉也屯初九曰利建侯豫大象曰利建侯行師吉

不有晉國以輔王室安

能建侯我命筮曰尚有晉國筮告我曰利建侯得國之

務也吉孰大焉

務猶趨也

震車也

易坤為大車震為動為雷今云車者車亦動聲象雷

其為小車乎

坎水也坤土也屯厚也豫樂也車班外內順以

訓之

車震也班徧也徧外內者謂屯之內有震豫之外亦有震坤順也豫內為坤屯二與四亦為坤

泉

原以資之

資財也屯三至五豫二至四皆有艮象豫三至五有坎象艮山坎水水在山上為泉源流

而不土厚而樂其實不有晉國何以當之

屯豫皆有坤象重坤故厚

豫為樂當應也

震雷也車也坎勞也水也衆也

易以坤為衆坎為水水亦衆之

類故云

主雷與車而尚水與衆

坎象皆在上故尚水與衆車有震

武也

震威也車聲軒隆象有威武

衆而順文也

坤為衆為順為文象有文德為衆所歸

文武具厚之至也故曰屯

屯厚也

其繇曰元亨利貞勿用

有攸往利建侯

繇卦解也亨通也貞正也攸所也往之也小人勿用有所之君子則利建侯行

師

主震雷長也故曰元

內為主震為長男為雷雷為諸侯故曰元元善之長也

衆

而順嘉也故曰亨

嘉善也衆順服善故曰亨亨嘉之會也

內有震雷故利

貞

屯內有震賈侍中云震以動之利也侯以正國貞也利義之和也貞事之幹也

車上水下必

伯

車震也水坎也車動而上威也水動而下順也有威而衆從故必伯也

小事不濟壅也

故曰勿用有攸往

濟成也小事小人之事壅震動而一遇坎坎為險阻故曰勿用有所往

夫之行也

一夫一人也易曰震一索而得男故曰一夫又曰震為足故為行也

衆順而有

武威故曰利建侯

覆述上事

坤母也震長男也母老子強故

曰豫

豫樂也

其繇曰利建侯行師居樂出威之謂也

居樂母在

內也出威震在外也居樂故利建侯出威故利行師

是二者得國之卦也

二者屯豫也

十月惠公卒十二月秦伯納公子

內傳魯僖二十三年九月晉惠公卒而此

云十月賈侍中以為閏餘十八閏在十二月後魯失閏以閏月為正月晉以九月為十月而置閏也秦伯以十

二月始納公子公子以二十四年正月入晉柔泉

及河子犯授公子載璧

載祀也授

還也曰臣從君還軫巡於天下惡其多矣

巡行也

臣猶知之

而况君乎不忍其死請由此亡

亡奔也

公子曰所不與舅

氏同心者有如河水沈璧以質

如往也質信也言若不與舅氏同心不濟此河

往而死也因沈璧以自誓為信董因迎公於河

因晉大夫周太史辛有之後也傳曰辛有之二

子董之晉故晉有董史

公問焉曰吾其濟乎對曰歲在大梁將集

天行元年始受實沈之星也

歲在大梁謂魯僖二十三年歲星在大梁之次也集

成也行道也言公將成天道也

公以辰出晉祖唐叔所以封也而以參入晉星也元年謂文公即位之年魯僖

二十四年歲星去大梁在實沈之次受受於大梁也自

胃七度至畢十一度為大梁自畢十二度至東井十五

度曰

實沈實沈之虛晉人是居所以興也

虛次也是居居其分次所主祀也傳

曰高辛氏有季子曰實沈遷于大夏主祀參唐人是因
成王滅唐而封叔虞南有晉水子變改為晉侯故參為
星晉今君當之無不濟矣當歲星在實沈之虛故無不成君之行也歲在

大火大火閼伯之星也是謂大辰

君之行謂魯僖五年重耳出奔時歲在大

大火大火辰也傳曰高辛氏有子曰閼伯遷于商丘祀大火

辰以成善后稷是相唐

叔以封

成善謂辰為農祥周先后稷之所經緯以成善道相視也謂祀農祥以成農事封者唐叔封時

歲在大火瞽史記曰嗣續其祖如穀之滋必有晉國

史記云唐叔之

世將如商數今言嗣續其祖明趣同也言晉子孫將繼續其先祖如穀之蕃滋故必有晉國

臣筮之

得泰之八

乾下坤上泰遇泰無動爻筮為侯泰三至五震為侯陰爻不動其數皆八故得泰之八與

貞屯悔豫
皆八義同

曰是謂天地配亨小往大來

陽下陰升故曰配亨小諭子園

大諭文公陰在外為小往陽在內為大來

今及之矣何不濟之有且以辰出

而以參入皆晉祥也

辰大火也參伐也參在實沈之次

而天之大紀也

所以大紀天時也傳曰大火為大辰辰伐亦為大辰辰時也

濟且秉成必霸諸侯

秉執也

子孫賴之君無懼矣公子濟河召令狐臼衰桑泉皆降

三者皆晉邑召召其長也

晉人懼懷公奔高梁

高梁晉地

呂甥冀芮帥師

甲午軍于廬柳

甲午魯僖二十四年二月六日廬柳晉地軍猶屯也

秦伯使公子

繫如師

告曉呂冀

師還次于郕

郕鄭地還師聽命也

辛丑狐偃及秦晉

大夫盟于郇壬寅公入于晉師甲辰秦伯還

秦伯送公于河上

公入而還丙午入于曲沃丁未入于絳即位于武宮戊申刺

懷公于高梁

刺殺也

初獻公使寺人勃鞞伐公於蒲城

勃鞞寺人披也伐蒲城在魯僖五年

文

公踰垣勃鞞斬其袂

袂袂也

及入勃鞞求見公辭焉曰驪

姬之讒爾射子于屏內

樹謂之屏禮諸侯內屏

困子于蒲城斬子

衣袂又為惠公從子于渭濱

濱涯也重耳在翟從翟君獵于渭濱勃鞞為惠公就

殺命曰三日若宿而至

命使三日一宿而至若汝也

若干二命以求

殺予

干犯也二命
款惠之命

予於伯楚屢困何舊怨也

伯楚勃鞞
字也屢數

也數見困有
何舊怨也

退而思之異日見我對曰吾以君為已知

之矣故入

知為君為臣之
道也入反國也

猶未之知又將出矣

猶未知
之將復

失國出
走也

事君不貳是謂臣好惡不易是謂君

易反

君君

臣臣是謂明訓

訓教也

明訓能終民之主也二君之世蒲

人翟人子何有焉

當獻惠之世君為蒲人翟人耳二君
之所惡也于我有何義而不殺君乎

除君之惡唯力所及何貳之有今君即位其無蒲翟乎

獨無有所畏惡
如蒲翟者乎

伊尹放太甲而卒以為明王

太甲湯孫
太丁子也

不明而伊尹放之桐宮三年太
管仲賊桓公而卒以為

侯伯賊謂為子糾射桓公也乾時之役申孫之矢集于桓鉤乾時之戰

在魯莊九年申孫矢名鉤帶鉤也鉤近於袪而無怨言近害近也鉤在腹袪在手佐

相以終克成令名今君之德宇何不寬裕也宇覆也惡其

所好其能久矣言已忠臣君所當好而反惡之能久為君乎君實不能明訓

而棄民主棄為民主之道子臯戾之人也又何患焉勃鞞閹士故曰臯戾

人之且不見我君其無悔乎於是呂甥冀芮畏偪悔納公

謀作亂此二子本惠公黨畏見通害故謀作亂將以己丑焚公宮己丑魯僖二十

四年三月朔時
以為二月晦

公出救火而遂殺之伯楚知之故求見

公公懼遽見之

也遽疾

曰豈不如女言然是吾惡心也

心惡

心惡謂
不怒也

吾請去之伯楚以呂卻之謀告公公懼乘駟自

下脫會秦伯于王城

駟傳也自從也下下道也脫會遁
行潛逃之言也王城秦河上邑

告之亂故及己丑公宮火二子求公不獲遂如河上秦

伯誘而殺之

文公之出也豎頭須守藏者也不從

豎文公內豎里鳧
須也公出不從竊

藏以逃盡用
以承納公

公入乃求見公辭焉以沐謂謁者曰沐則

心覆

謂告也覆反也沐低頭故言心反也

心覆則圖反宜吾不得見也從者

為羈紲之僕

馬曰羈犬曰紲言二者臣僕之役也

居者為社稷之守何必

羣居者國君而讎匹夫懼者衆矣謂者以告公遽見之

元年春公及夫人嬴氏至自王城

文公元年魯僖二十四年賈侍中云是月

失閏以三月為四月故曰春而不言其月明四月為春

分之月也嬴氏秦穆公女文嬴也或云夫人辰嬴也傳

曰辰嬴賤班在九人

秦伯納衛三千人實紀綱之僕

所以

非夫人也賈得之

設國紀綱也為之備衛僕使

公屬百官賦職任功

屬會也賦授也授職事任有功也

棄責薄斂施舍分寡

棄責除宿責也施施德也舍舍禁也分寡分少財也

救乏振

滯匡困資無

救乏救乏絕也振拯也拯淹滯之士匡正也正窮困之人資無予無財者

輕關

易道通商寬農

輕關輕其稅也易道除盜賊也通商利商旅也寬農寬其政不奪其時

懋

穡勸分省用足財

懋勉也勉稼穡也勸分勸有分無也省用減國用也足財備凶年也利

器明德以厚民性

利器利器用也明德明德教也厚民性厚其情性

舉善援能

官方定物

方常也物事也立其常官以定百事

正名育類

正名正上下服位之名育長也

類善也

昭舊族

昭明也舊族舊臣有功者之族

愛親戚明賢良

明顯也

尊貴

寵

國之貴臣尊禮之

賞功勞事考老禮賓旅

旅客也

友故舊

故舊為公

子時也

胥籍狐箕藥卻柏先羊舌董韓實掌近官

十一族晉之舊

姓近官諸姬之良掌其中官諸姬同姓也異姓之能掌

其遠官遠官縣公食貢大夫食邑士食田受公田也庶人食

力各由其力工商食官工百工商官賈也周禮府藏皆卑隸

食職士臣卑卑臣與與臣隸食官宰食加官宰家臣也

田也論語注原政平民阜財用不匱阜安

冬襄王避昭叔之難居于鄭地汜文公元年冬也襄王

王弟大叔帶也是為甘昭公故曰昭叔惠王生襄王以

為大子又娶于陳曰惠后生昭叔惠后將立之未及而

卒昭叔奔齊襄王復之又通于襄王之后翟懼使來告

王廢隄氏翟人伐周故襄王避之于汜汜地名

難亦使告于秦

王使簡師父告晉亦使左鄆父告秦

子犯曰民親而未知

義也

親親君也未知義故未和也

君盍納王以教之義

使知尊上之義

若不

納秦將納之則失周矣

失所以事周也

何以求諸侯

無以為諸侯盟主

不能修身而又不能宗人人將焉依

宗尊也

繼文之業定

武之功

文晉文侯仇也平王東遷文侯輔之受圭瓚桓武重耳之祖武公稱也始并晉國

啟土

安疆於此乎在矣君其務之

在此納王也

公說乃行賂于草

中之戎與麗土之翟以求東道

二邑戎翟間在晉東

二年春公以

二軍下次于陽樊

二軍左右軍也東行曰下陽樊周邑

右師取昭叔于溫

殺之于隰城

溫隰城皆周地也昭叔通翟后與俱處溫故取殺之

左師迎王于鄭

王入于成周遂定之于郊

成周周東都郊王城也

王饗醴命公胙

侑

饗設饗禮也傳曰戰克而王饗饗醴飲醴酒也命加侑命服也胙賜祭肉也侑侑幣謂既食以來帛侑公

公請隧弗許

三君云隧王之葬禮昭謂六隧之事見周語

曰王章也

章表也所以示

明天子與諸侯異物

不可以二王

二國無二王

無若政何

無以為政于下

賜公南

陽陽樊溫原州陘絺鉏欒茅之田

八邑周之南陽地

陽人不服

不肯屬晉

公圍之將殘其民倉葛呼曰

倉葛陽樊人

君補王闕以

順禮也

補王失位之闕以順為臣之禮陽人未狎君德

狎習也

而未敢承

命君將殘之無乃非禮乎陽有夏商之嗣典有周室之

師旅

典法也旅衆也言有夏商之後嗣及其遺法與周室之師衆

樊仲之官守焉

樊仲

宣王臣仲山甫也食采於樊

其非官守則皆王之父兄甥舅也君定

王室而殘其姻族民將焉放

放依也

敢私布之於吏

布陳也吏

軍吏也唯君圖之公曰君子也乃出陽人

出降也

又公伐原

原不服故伐之

令以三日之糧三日而原不降公令疏軍而去

之疏微也

謀出曰原不過一二日矣

謀間侯也

軍吏以告公曰

得原而失信何以使人夫信民之所庇也不可失也

庇蔭

也乃去之及盟門而原請降

盟門原地也傳曰還一舍而原降

文公立四年楚成王伐宋

四年魯僖二十七年冬也宋背楚事晉故楚伐之

公

率齊秦伐曹衛以救宋

魯僖二十八年春晉侯侵曹代衛傳曰楚始得曹而又伐宋

宋人使門尹班告急於晉

門尹班宋大夫

公告大夫曰宋人告急

舍之則宋絕

舍不救宋則宋降楚與我絕也

告楚則不許我

告謂請宋於楚楚不

許我我欲擊楚齊秦不欲其若之何先軫曰不若使齊秦

主楚怨

先軫晉中軍原軫也主楚怨為怨主也謂激齊秦使之惡楚

公曰可乎先軫

曰使宋舍我而賂齊秦

使宋置晉獨賂齊秦

藉之告楚

藉與齊秦之勢使請

宋於我分曹衛之地以賜宋人楚愛曹衛必不許齊秦

齊秦本與晉俱伐曹衛今晉分其地楚必不許齊秦之請齊秦不得其請必屬怨焉

屬結也然後用之蔑不欲矣用用齊秦也蔑無也公說是故以曹田

衛田賜宋人二十八年春衛侯欲與楚國人不欲故出其君以說于晉衛侯出居襄牛晉侯執曹

伯分曹衛之田以畀宋人令尹子玉使宛春來告宛春楚大夫曰請復衛

侯而封曹臣亦釋宋之圍釋解也舅犯愠曰子玉無禮哉

君取一臣取二必擊之愠怒也臣子玉也君文公也二謂復曹衛一謂釋宋圍先

軫曰子與之也與許也我不許曹衛之請是不許釋宋也宋

衆無乃彊乎

不許釋宋宋降于楚其衆益彊

是楚一言而有三施子一

言而有三怨

三曹衛宋也

怨已多矣難以擊人不若私許復

曹衛以攜之

也攜離

執宛春以怒楚

怒楚令必戰

旣戰而後圖

之

曹衛圖復

公說是故拘宛春於衛子玉釋宋圍從晉師

楚既陳晉師退舍軍吏請曰以君避臣辱也

時楚王避文公之德入於

申使子玉去宋子玉不肯固請戰故云避臣

且楚師老矣必敗何故還

老罷也圍

宋久與師罷病

子犯曰二三子忘在楚乎

言在楚時許還三舍

偃也聞之

戰鬪直為壯曲為老

若韓之戰秦師少而闞士衆晉曲秦直故能敗晉

未報楚

惠而抗宋我曲楚直

也抗救

其衆莫不生氣不可謂老若

我以君避臣而不去彼亦曲矣退三舍避楚楚衆欲止

子玉不肯至于城濮果戰楚衆大敗

城濮衛地

君子曰善以

德勸

善先軫子犯也

文公誅觀狀以伐鄭反其埤

賈侍中云鄭復效曹觀公駢脅之狀故伐之唐尚書

云誅曹觀狀之臯還而伐鄭昭省內外傳鄭無觀狀之事而叔詹云天禍鄭國使淫觀狀謂淫放於曹不禮公

子與觀狀之臯同耳反撥也埤城上

鄭人以名寶行成

名寶公弗許曰予我詹而師還

詹鄭卿叔詹伯也文公過鄭時詹請禮之鄭伯

不聽因詹請往鄭伯弗許

鄭伯鄭文公也

詹固請曰一臣可以

赦百姓而定社稷君何愛於臣也鄭人以詹子晉人晉

人將亨之

亨煮也

詹曰臣願獲盡辭而死固所願也公聽

其辭詹曰天降鄭禍使淫觀狀棄禮違親

淫放也放曹國不禮於君

臣曰不可夫晉公子賢明其左右皆卿才若復其國而

得志於諸侯禍無赦矣今禍及矣尊明勝患知也

明謂公子

勝猶遇也

殺身贖國忠也乃就亨據鼎耳而疾號曰自今以

往知忠以事君者與詹同乃命弗殺厚為之禮而歸之

禮也鄭人以詹伯為將軍

晉國饑公問於箕鄭

箕鄭晉大夫

曰救饑何以對曰信公曰安

信對曰信於君心

不以愛憎誣人善惡是為信於心

信於名

名百官尊卑之號

信於令信於事

謂使民事各得其時

公曰然則若何對曰信於君

心則美惡不踰

不相踰越也

信於名則上下不干

干犯也

信於

令則時無廢功

不奪其時則有成功

信於事則民從事有業

業猶次也

於是乎民知君心貧而不懼藏出如入何匱之有

出其節藏

以相振救如入于家數不足也

公使為箕

為箕大夫

及清原之蒐使佐新上

軍

清原之蒐在魯
僖三十一年秋

公問元帥於趙衰

元帥
上卿

對曰郤穀可行年五十矣

郤穀
晉大夫

夫行
歷也

守學彌惇

彌益也
惇厚也

夫先王之法志德義之府也

志
記

也夫德義生民之本也能惇篤者不忘百姓也請使郤

穀公從之公使趙衰為卿辭曰欒枝貞慎

枝晉大夫欒
共子之子貞

也子先軫有謀胥臣多聞皆可以為輔臣弗若也乃使欒

枝將下軍先軫佐之

此述初耳在
城濮戰前也

取五鹿先軫之謀也

五鹿
衛地

郤穀卒使先軫代之

從下軍之佐起將
中軍傳曰尚德也

胥臣佐下

軍

代先軫也

公使原季為卿

原季趙衰也文公二年為原大夫卿次卿也

辭曰夫三德者

偃之出也

偃狐偃也賈唐云三德樂毅先軫胥臣也皆狐偃所舉虞云三德為勳文公納襄王以示

臣義伐原以示信大蒐以示民禮故以三德紀民昭謂樂毅等皆趙衰所進非狐偃也三德紀民之語在下虞之以德紀民其章大矣不可廢也使狐偃為卿辭

曰毛之知賢於臣其齒又長

毛偃之兄也

毛也不在位不敢

聞命乃使狐毛將上軍狐偃佐之

尚助也上軍或言新上軍非也時未有新

軍傳曰使狐偃將上軍讓于狐毛而佐之是也

狐毛卒使趙衰代之

虞唐云代將新軍昭

謂代將上軍辭曰城濮之役先且居之佐軍也善先且居先軫之子蒲

城伯也後受霍為霍伯軍代有賞代功也善君有賞能其官有賞以道事其

君賴其功當有賞能領治其官職使不謬誤君得以尊民得以寧當有賞也且居有三賞不可廢

也言且居有是三德得此且臣之倫箕鄭胥嬰先都在倫伍也三

子晉乃使先且居將上軍代狐公曰趙衰三讓三使為

之進樂枝其所讓皆社稷之衛也廢讓是廢德也以趙

衰之故蒐于清原作五軍清原晉地晉本有上軍有中軍有下軍今有五益新上下

也使趙衰將新上軍箕鄭佐之胥嬰將新下軍先都佐

之子犯卒蒲城伯請佐

或云蒲城伯狐毛也賈侍中云蒲城伯先且居也昭謂上章狐

毛已卒使先且居代之賈得之矣

公曰趙衰三讓不失義

義宜

讓推賢

也義廣德也德廣賢至又何患矣請令衰也從子

從從先且

居乃使趙衰佐新上軍

此有新字誤也趙衰佐新上軍之將進佐上軍為升一等新上

軍之將位在上軍之佐下此二章或在狐毛卒上非也當在下

文公學讀書於臼季三日

臼季胥臣也

曰吾不能行也咫

咫咫

也尺間聞則多矣對曰然而多聞以待能者不猶愈乎

使

者行之不猶愈於不學乎

文公問於郭偃

郭偃卜

曰始也吾以國為易

易易治也

今也

難對曰君以為易其難也將至矣

以為易而輕忽之故其難將至

君以

為難其易也將至矣

以為難而勤脩之故其易將至

文公問於胥臣曰吾欲使陽處父傳讜也而教誨之其

能善之乎

陽處父晉大夫陽子也謹文公子襄公名

對曰是在讜也蘧蔭不

可使俛

蘧蔭直者威施不可使仰

威施倮者焦僂不可使舉

焦僂長三

尺不能

侏儒不可使援

侏儒短者不能抗援

矇矇不可使視

有矇子而

無見曰矇無

嚚瘖不可使言

口不道忠信之言為嚚瘖不能言者

聾聵

不可使聽

耳不別五聲之和曰聾生而聾曰聵

僮昏不可使謀

僮無知昏闇亂也

質將善而賢良贊之則濟可竢也

言賢性將自善而賢良之傳贊導之則其

成就可

若有違質

違邪也

教將不入

不入其心

其何善之為

不言

立竢也

能使

臣聞昔者大任娠文王不變

娠有身也不變不動也

少浚于

豕牢而得文王不加病焉

少小也浚便也豕牢厠也言大任之生文王時如小浚於

厠而得文王不加病痛言其易也

文王在母不憂

在母孕時體不變故不憂也

在傅

弗勤處師弗煩事王不怒

奉事父王季使不加怒

孝友二號

善兄弟為

友二號文王第號仲號叔也

而惠慈二蔡

惠愛也三君云二蔡文王子管叔初亦為蔡

刑

于大姒

刑法也大姒文王妃

比于諸第

比親也諸第同宗之弟

詩云刑于寡

妻至于兄弟以御于家邦

詩大雅思齊之二章寡妻寡德之妻謂大姒御治也

於

是乎用四方之賢良

以自輔也

及其即位也詢于八虞

詢謀也賈

唐云八虞周八士皆在虞宮伯達伯适仲突仲忽叔夜叔夏季隨季獨

而咨于二虢

咨謀也

度於閔天而謀於南宮

皆周賢臣度亦謀也南宮南宮适

諏於蔡原而

訪於辛尹

諏訪皆謀也蔡蔡公原原公辛辛甲尹尹佚皆周大史

重之以周召畢

榮

周周文公召召康公畢畢公榮榮公

億寧百神

億安也

而柔和萬民

柔安也

故詩曰惠于宗公神罔時恫

亦思齊之二章也惠順也宗公大臣也恫痛也言文

王為政諮於大臣順而行
之故鬼神無怨痛之者

若是則文王非專教誨之力

也

言因體也

公曰然則教無益乎對曰胡為文益其質

言有美質

加以文

故人生而學非學不入

不入不入於道

公曰奈夫八疾

何

八疾遠條至僂昏

對曰官師之所材也

師長也材古裁字

戚施直鑄

直主擊鑄

鑄鍾也

蘧條蒙璆

蒙戴也璆玉磬也不蒙戴也璆玉磬也不

侏儒扶盧

扶

也虛牙戟之極

矇矇脩聲

無目於音聲審故使脩之

聾瞶司火

耳無聞於

視則審故

僂昏嚚瘖僂僂官師所不材也

所不能材用也

以實

裔土

裔荒裔也

夫教者因體能質而利之者也

能才也因其身體有質可

成濟者就而通利之

若川然有原以邛浦而後大

邛迎也言川有原因開利迎之

以浦然後大也

文公即位二年

更言此者終述善文公之事

欲用其民

用用征伐也

子犯

曰民未知義

未知尊上之義

盍納天子以示之義

天子避子帶之難在鄭地

汜

乃納襄王于周公曰可矣乎對曰民未知信盍伐原

以示之信乃伐原

信謂上令以三日之程程盍不降命去之

曰可以乎對曰

民未知禮盍大蒐備師尚禮以示之

蒐所以明尊卑順少長習威儀也

乃大蒐于被廬

被廬晉地名

作三軍

唐尚書云立新軍之上下也昭謂此章言文公

之初未使卻縠將中軍以為大政大政謂掌國政也卻縠佐之

卻縠或云縠即至非也子犯曰可矣即用也遂伐曹衛在魯

十八年出穀戍釋宋圍敗楚師於城濮於是乎遂伯穀齊地也

魯僖二十六年楚伐齊取穀使申公叔侯戍之二十七年楚圍宋晉伐曹衛以救之二十八年楚使申叔去穀

子玉去宋避晉畏其強也

國語卷十

國語卷十一

吳韋昭注

晉語五

曰季使舍於冀野

白季胥臣也冀邑郊外曰野

冀缺耨其妻饁之

冀缺

郤成子也耨蒔也野饋曰饁詩云饁彼田畝

敬相待如賓

夫婦相敬如賓也

從而問

之冀芮之子也與之歸既復命而進之曰臣得賢人敢以告文公曰其父有臯可乎

文公元年冀芮畏偁與呂卻謀弑公焚公宮秦伯殺

之故也 對曰國之良也滅其前惡滅除也是故舜之刑也殛

鯀其舉也興禹誅也今君之所聞也齊桓親舉管敬

子其賊也敬子管仲之諡公曰子何以知其賢也對曰臣見其

不忘敬也夫敬德之恪也恪於德以臨事其何不濟公

見之使為下軍大夫在文公時而於此言之者以襄公能繼父志用冀缺也傳曰襄公以

父命賞胥臣曰舉卻缺子之功也以一命命卻缺為卿後予之冀故云冀缺

陽處父如衛反過甯處父晉太傅陽子也如衛聘衛也在魯文五年甯晉邑今河內脩武

是也舍於逆旅甯嬴氏旅客也逆客而舍之也嬴其姓嬴謂其妻曰吾求

君子久矣乃今得之舉而從之也舉起陽子道與之語及

山而還山河內溫山傳曰及溫而還其妻曰子得所求而不從之何

其懷也也懷思曰吾見其兒而欲之聞其言而惡之夫兒

情之華也也容兒者情之華采言兒之機也言語者容兒之樞機身為情情生

也於身成於中言身之文也言文而發之合而後行離則

有覺者合謂情也兒也言也三今陽子之兒濟其言匱非

其實也濟成也言不副兒為匱匱乏也若中不濟而外彊之謂情不足而兒強為

之其卒將復其情也也反中外易矣易猶異也若外內類而言

反之瀆其信也

類善也瀆輕也

夫言以昭信奉之如機

如樞機之相應

歷時而發之

言思察之詳熟

胡可瀆也今陽子之情謏矣

謏察也辨

以濟蓋也

濟成也成其容免以蓋其短也

且剛而主能

主上也言性剛直而高尚其材

能不本而犯怨之所聚也

不本行不本仁義也犯犯人也

吾懼未獲其利

而及其難是故去之期年乃有賈季之難陽子死之

賈季

晉大夫狐偃之子射姑也食采于賈字季它唐尚書云晉蒐于夷舍二軍昭謂初晉作五軍魯文五年晉四卿

卒至六年晉蒐于夷舍二軍復成國之制狐射姑將中軍趙盾佐之陽子至自溫改蒐于董使趙盾將中軍射

姑佐之射姑怨陽子之易其班也使狐鞠居穀陽處父而奔翟

趙宣子言韓獻子於靈公以為司馬

宣子晉正卿趙衰之子宣孟盾也獻

子韓萬之玄孫子與之子厥也靈公襄公子夷率也司馬掌軍大夫

河曲之後

河曲晉地魯文十二

年秦伐晉戰于河曲

趙孟使人以其乘車干行

趙孟宣子也干犯也行軍列也

獻

子執而戮之衆咸曰韓厥必不沒矣

沒終也

其主朝升之

而莫戮其車

其主人車車僕也獻子因趙盾以為主盾升之于公朝莫喻達也

其誰安

之宣子召而禮之曰吾聞事君者比而不黨

比比義也阿私曰黨

夫周以舉義比也

忠信曰周

舉以其私黨也夫軍事無犯犯

而不隱義也

任公為義

吾言汝於君懼汝不能也舉而不能

黨孰大焉事君而黨吾何以從政吾故以是觀汝

觀汝能否

汝勉之苟從是行也

勉之始終其志是行今所行也

臨長晉國者非汝

其誰

臨監也長帥也

皆告諸大夫曰二三子可以賀我矣吾舉

厥也而中吾乃今知免於罪矣

宋人殺昭公

宋人宋成公之子文公鮑也昭公鮑之兄杵臼也殺昭公在魯文十六年

趙宣

子請師於靈公以伐宋公曰非晉國之急也對曰大者

天地其次君臣所以為明訓也

言尊卑各得其所所以明教訓也

今宋

人殺其君是反天地而逆民則也

則法也

天必誅焉晉為

盟主而不脩天罰

脩行也

將懼及焉公許之乃發令于太

廟召軍吏而戒樂正

正長也軍吏主師旅樂正主鐘鼓

令三軍之鐘鼓

必備趙同曰國有大役

役事也趙同盾第晉大夫原同也

不鎮撫民而

備鐘鼓何也宣子曰大罪伐之小罪憚之

憚懼也

襲侵之

事陵也

輕曰襲無鐘鼓曰侵陵以大陵小也

是故伐備鐘鼓聲其罪也

以聲

章其罪也戰以錙于丁寧儆其民也

錙于形如碓頭與鼓角相和丁寧謂鉦也敬戎

也唐尚書云錙于錫也非也錫與錙于各異物襲侵密聲為暫事也

暫其無備

今宋

人殺其君罪莫大焉明聲之猶恐其不聞也吾備鐘鼓

為君故也

為欲尊明
君道也

乃使旁告於諸侯治兵振旅鳴鐘

鼓以至於宋

振奮也伐宋在
魯文公十七年

靈公虐趙宣子驟諫

虐厚飲以雕牆
支解宰夫之屬

公患之

患疾也

使鉏

麇賊之

鉏麇力士
賊殺也

晨往則寢門辟矣

辟開也

盛服將朝蚤

而倏寐

不脫冠帶而
寐曰倏寐

麇還歎而言曰趙孟敬哉

言風興
敬恪也

夫不忘恭敬社稷之鎮也

鎮重也

賊國之鎮不忠受命而

廢之不信享一名於此不若死

享受也殺之為不忠不
殺為不信故得一名也

觸庭之槐而死

廷外朝之廷也周禮王之外朝三槐三
公位焉則諸侯之朝三槐三卿位焉

三

靈公將殺趙盾不克

魯宣二年秋晉侯欽趙盾酒伏甲將攻之盾覺而走故不克

趙

穿攻公於桃園

趙穿晉大夫趙盾之孫趙盾從父昆弟武子穿也桃園圍名

逆公子

黑臀而立之寔為成公

逆迎也迎於周也黑臀晉文公子襄公弟成公黑臀也

卻獻子聘于齊

獻子晉卿卻缺之子克也聘在魯宣十七年

齊頃公使婦人

觀而笑之

卻子跛齊頃公帷婦人使觀之卻子將升婦人笑于房

卻獻子怒歸請

伐齊范武子還自朝

武子晉正卿士會也

曰變乎吾聞之

變武子之子文

也子干人之怒必獲毒焉夫卻子之怒甚矣不逞於齊必

發諸晉國

逞快也不快心以代齊必發怒於晉國

不得政何以逞怒

為政

也余將致政焉以成其怒

致歸也

無以內易外也爾勉從

二三子以承君命唯敬

二三子晉諸卿也承奉也

乃老

乃告老也

范文子莫遑於朝武子曰何莫也對曰有秦客廋辭於

朝

廋隱也謂以隱伏諂諂之言問於朝也東方朔曰非敢試之乃與為隱耳是也

大夫莫之能

對也吾知三焉

解其三事

武子怒曰大夫非不能也讓父兄

也

父兄長老也

爾童子何知而三掩人於朝

掩蓋也

吾不在晉

國亡無日矣擊之以杖折委筭

委委兒冠也筭筭也

靡筭之役韓

獻子將斬人

靡并齊山名魯成二年晉卻克伐齊從齊師於靡并之下戰于鞍獻子時為司馬將

斬人以戮罪
在可赦之者
卻獻子駕將救之至則既斬之矣卻獻子

請以徇其僕曰子不將救之乎獻子曰敢不分謗乎

欲言

與韓子分謗共非也言能如此故從事不乖

靡笄之後卻獻子傷

傷於矢也傳曰流血及屨未絕鼓音

曰余病喙

喙短氣

張侯御曰三軍之心在此車矣

張侯晉大夫解張也在此車謂車進則進車退

則退也

其耳目在於旗鼓

耳聽鼓音目視旗表

車無退表鼓無退聲

表旌旗也車表鼓音進退異數

軍事集矣

集成也

吾子忍之不可以言病

受命於廟

將行告廟受戒命也

受脤於社

脤宜社之內盛以蠶器

甲冑而效

死戎之政也

帶甲纓冑死而後已此兵之常政

病未若死祇以解志

祇適

也

乃左并轡右援枹而鼓之馬逸不能止三軍從之

奔逸

也齊師大敗逐之三周華不注之山

周匝也華齊地不注山名

靡笄之後卻獻子師勝而反范文子後入

文子時佐上軍

武子

曰變乎女亦知吾望爾也乎

兵凶事文子後入故武子憂望也

對曰夫

師卻子之師也

卻子請代齊又為元帥

其事臧

臧善也謂師有功

若先則

恐國人之屬耳目於我也故不敢

屬猶注也

武子曰吾知免

矣

知免於咎

靡笄之役卻獻子見公曰子之力也夫

力功也

對曰克也

以君命命三軍之士三軍之士用命克也何力之有焉

范文子見公曰子之力也夫對曰變也受命於中軍以

命上軍之士上軍之士用命變也何力之有焉欒武子

見

武子晉卿欒枝之孫欒盾之子書也時將下軍

公曰子之力也夫對曰書也

受命於上軍以命下軍之士下軍之士用命書也何力

之有焉

靡笄之役也卻獻子伐齊齊侯來

齊侯來以靡笄之役故服而朝晉侯也在

魯成三年獻之以得隕命之禮

獻致饗也獻遵豆之數如征伐所獲國君之獻禮也以得

言不得也伐國獲君若秦獲晉惠是為隕命今齊雖敗項公不見得非隕命也故苗棼皇以卻克不知禮司馬

法曰其有隕命行禮如會所爭義不爭利也曰寡君使克也不腆敝邑之禮

為君之辱敢歸諸下執政以愁御人

歸饋也執政執事也愁願也御人婦

人也願以此報君御人之笑已者

苗棼皇曰卻子勇而不知禮

棼皇晉大夫楚

闔伯棼之子也

矜其伐而恥國君

矜大也伐功也

其與幾何

言將不終命也

梁山崩

梁山晉望也崩在魯成五年

以傳召伯宗

傳驛也伯宗晉大夫孫伯糾之子

遇大車當道而覆

大車牛車也

立而辟之曰辟傳

辟使下道辟傳車

對曰傳為速也若埃吾辟之則加遲矣也加益不如捷而

行

旁出為捷

伯宗喜問其居曰絳人也

絳晉國都

伯宗曰何聞曰

梁山崩而以傳召伯宗伯宗問曰將若何對曰山有朽

壤而自崩將若何

朽腐也為而稱朽不言政失所

夫國主山川

為主

山川主也孔子曰夫頡臾為東蒙主

故川涸山崩君為之降服出次

涸竭也川

竭則山崩降服縞素也出次次於郊也

乘縵不舉策於上帝

縵車無文也

也策於上帝以簡策之文告於國三日哭以禮焉

於神

也

也周禮國有大災三日哭

雖伯宗亦其如是而已其若之何問其名

不告請以見弗許

以見於君

伯宗及絳以告而從之

以車告者

從之君君

伯宗朝以喜歸

朝罷而歸有喜色

其妻曰子兒有喜何也曰吾

言於朝諸大夫皆謂我知似陽子

知辨智也陽子慶父也

對曰陽

子華而不實主言而無謀

主尚也

是以難及其身子何喜

焉伯宗曰吾飲諸大夫酒而與之語爾試聽之曰諾既

飲其妻曰諸大夫莫子若也然而民不能戴其上久矣

戴奉也上賢也才在人上也

難必及子子盍亟索士愁庇州犁焉

亟疾

也索求也慙願也庇覆也
州犁伯宗子伯州犁也

得畢陽

畢陽晉士也

及欒弗忌之

難諸大夫害伯宗將謀而殺之

欒弗忌晉大夫伯宗之黨也三卻害弗忌故譖

伯宗并殺之在
魯成十五年

畢陽實送州犁于荆

荆楚也犁奔楚為太宰

國語卷十一